

# 卷四

書名 小倉山房詩集三十六卷 咸豐元年序番禺謝氏梅花詩屋刊本  
 撰者 清 袁枚 撰，清 謝有仁 注  
 卷 卷四  
 內容分類 集-別集-清中葉前期  
 索書號 夕嵐草堂.S4103  
 編號 90434

彩色首頁1

東洋文化研究所漢籍目錄 編號: 90434

東洋文化研究所漢籍目錄所藏漢籍善本全文影像資料庫 索書號: 夕嵐草堂.S4103

漢籍善本全文影像資料庫文本小倉山房詩集三十六卷 咸豐元年序番禺謝氏梅花詩屋刊本

版權所有: 東京大學 東洋文化研究所

使用上的注意事項

小倉山房詩集卷一 丙辰丁巳

番禺謝有仁靜山註

男鴻恩堯階校字



錢唐江懷古

江上錢王舊蹟多我來重唱百年歌勸王妙選三千弩  
不射江湖射汴河

錢王

蘇軾游靈隱寺得來詩復用前韻詩君不見錢塘湖錢王壯觀今已無

百年歌

樂府詩集陸機百年歌十首五代史唐莊宗紀初  
 克用置酒三垂岡伶人奏百年歌時存勗在側方  
 五歲克用慨然將其鬚指而笑曰吾行老矣此奇  
 兒也後二十年其能代我戰於此乎及天祐五年  
 攻梁夾寨伏三千弩蘇軾八月十五日看潮五絕  
 兵於此破之三千弩詩安得夫差水犀手三千強  
 弩射潮低案吳越備史梁開平四年八月錢武肅  
 始作捍海塘王因江濤衝激命強弩五百以射潮  
 頭既而潮汴河在開封府滎陽縣達  
 遂趨西陵汴河府城西至中牟界  
 附錄隨園詩話或嘗

小倉山房詩集卷一

梅花詩屋

小倉山房詩集卷四

甲子乙丑

番禺謝有仁靜山註

男鴻恩堯階校



就聘南闈舟中作

海氣衝人愁未已江風吹我出愁城滿船秋色渾無賴  
一路衣冠漸有情遠岸潮平帆影直中天月墮酒旗明  
短篷穩卧潼陽吏不向前途道姓名

到江口

金川門外駐蘭橈枕上誰家紫竹簫兩度秋光來白下  
一生風味愛南朝銀砂落日無王氣血戰餘聲有怒潮  
滿眼琳宮好雲物蘆花剪雪正千條

銀砂

庾信詩雖連博望苑還接銀砂城

紅墻蕭寺小門開片片斜陽落葉哀海色夜涼雙雁語  
江心人靜一燈來風搖逆水青天動鐘打空山白浪迴  
擬挾金尊吹玉笛高歌先上鳳凰臺

鳳凰臺

南史宋元嘉中王覲見異鳥集於山時謂鳳凰遂於山起臺廣輿記臺在江甯府治

南西

入闈

仙樂嘹嘈沸綺筵滿街宮錦曉風天紅裊莫訝簾官少  
道挂朝衣已六年

敢云眼似光明燭且喜心如不動帆帶入闈中示同伴

當時落第淚痕衫

光明燭

聶夷中詩願我君王心化作光明燭不照綺羅筵只照逃亡屋

分校

沉沉棘院華堂開戰酣萬蟻鱗甲來主司峩冠南面坐  
簾官梯几東西排一十八人眼如漆一十八枝筆植鐵  
硃字迷離照眼紅疑是諸生心上血披砂檢金金未收  
暗中默禱心中求榜後但聞舉子忽此時誰識簾官愁  
百鳥叢中一鶚見再拜親標某官薦朱衣可得點頭無  
偷眼還看主司面孫山以外雖漫漫我誓加墨心才安  
紅勒欲下不輕下訓誨還當子弟看可惜一卷文超羣  
五經紛綸并大春主司搖手道額滿怪我推輓何殷勤  
明知額滿例難破額內似渠有幾個獄底生將寶劍埋  
掌中空見明珠過吁嗟乎科名有命文無功君不見李

方叔蘇文忠

棘院 韋承矩詩棘闈何日免重來按唐閱試禮部

設棘於門及閉院門以冊府元龜云舊例放榜之日

舉令撤棘啓門寂無喧者所放多才名之士劉詵

詩棘院功名風雨過陳 戰酣萬蟻 修主試梅聖俞

旅詩棘院人爭繡虎看

作參詳官未引試前唱酬詩極多歐公有無譁戰

士銜枚勇下筆春蠶食葉聲聖俞有萬蟻戰酣春

晝永五星明處夜堂深之句及放榜士論洵洵以

爲主司唯唱酬不復詳考且言以五星自比而待

我曹爲蠶蟻自是 孫山 詩話孫山應舉綴名榜末

禮闈不復作詩 孫山 有同試者託探得失山答

日解名盡處是孫山 梯几 山海經云西王母

餘人更在孫山外 梯几 戴勝梯几也 紅勒

夢溪筆談歐陽公主試凡爲新文者一切棄黜 井

以大硃筆橫抹之自首至尾謂之紅勒帛云

大春句 後漢書井丹字大春少充業太學通五經

善談論故京師爲之語曰五經紛綸井大

春 李方叔句 蘇東坡集余與李廌方叔相知久矣

領貢舉事而李不得第愧甚作詩送

之云與君相逢非一日筆勢翩翩疑可

識平生謾說古戰場過眼終迷日五色

與商寶意司馬宿王禹言太史齋中臨別奉贈

鸞飄鳳泊一千年流水行雲意洒然但使人間喚生佛

勝教天上作頑仙

頑仙 法書要錄陶隱居與梁武帝啓每以爲得作

才鬼亦當勝於頑仙司空圖詩馬上搜奇已

烏衣巷裏解鳴珂月下彈箏燈下歌半榻梅花同日別

一官偏惱兩人多

新將錦石擣流黃應索瑯琊繡襦寄語青溪張好好

好風果屬往來商 公納秦淮張姬故調之

繡襦襜 沈約歌詞陽春二月單衫繡襦襜 張好好 麗情集張好好

善歌沈述師以 梅花詩屋

雙鬟 往來商 杜牧詩范蠡清塵何寂  
納之 莫好風唯屬往來商

千行水調入秋雲一卷文傳記錦裘欲使青蓮低首拜  
南朝只有謝將軍

記錦裘 陸龜蒙有  
錦裘記

三更風卷紫羅紗春雨盈盈損蠟花為我當年惆悵事  
白敲檀板撥琵琶

蠟花 李商隱詩蠟  
花長遞淚

蓬海升沉話寂寥江州司馬莫蕭騷詩人都到青雲頂  
誰領湖山管六朝

蓬海 李白詩中有蓬海  
客宛疑麻姑仙

殘雪

捲簾殘雪望無窮世事方知色即空萬片落花何處去

數聲流水一年終陰陽爐炭思元化冷淡生涯怕熱中

逐漸闌珊誰護惜為渠容易惱春風

陰陽爐炭 賈誼鵬鳥賦云且夫天地為鑪兮  
造化為工陰陽為炭兮萬物為銅

一夕天風洗素粧六宮粉黛減容光早教醞釀成霖雨

敢為飄流怨太陽湘水自沉青玉案山人還戀白衣裳

遼城鶴去無多日收拾蓬萊萬斛霜

青玉案 張衡四愁詩美人贈我錦  
繡段何以報之青玉案

北斗離離柄指春散花天女尙畱痕心虛解脫汗泥累

身隱能全日月恩江上一簣誰把釣酒家雙屐自關門

蹇驢此際詩情好半在山橋半水村

散花天女 維摩經會中有一天女以天花散諸菩薩悉皆墮落至大弟子便著不墮天女曰結習未盡故花著身結習盡者花不著身

一別青天路已遙江山容得幾瓊瑤敢橫要路招人掃且學輕冰著雨消去有後先分冷暖任無高下任飄搖輸他柳絮顛狂甚轉得因風上九霄

風前無計挽神仙目極齊州九點烟涓滴暗添春水色數峯畱到夕陽天人來銀海初分界鳥踏龍沙漸有邊惆悵玉鈎斜畔路年年羽化泣嬋娟

齊州九點烟 李賀詩遙望齊州九點烟注引爾雅距齊州以南邢昺注齊中也中州猶

言中銀海 蘇軾詠雪詩光搖銀海眩生花注引道書眼為銀海案隨園詩話駁之玉鈎斜 桂苑叢談李蔚鎮彭城於戲馬臺連玉鈎斜道開創池沼構葺亭臺名之曰賞心陳無已

詩話廣陵亦有戲馬臺下路號玉鈎斜

連日開牕白渺漫今朝紅出小闌干風前粉蝶分飛易  
笛裏梅花不落難素女歸時春半夜玉山頽處日三竿  
幽人擬踏層冰去六月峩眉頂上看

梅花 落梅花 盧照鄰詩到愁金 笛曲名 玉山頽 谷晚不怪玉山頽

相看心跡喜雙清家本蓬萊舊玉京已逐樓臺生厚薄  
尚嫌黑白太分明瓊漿早識來時路膏雨常畱去後名  
記得水精簾下事梁園回首不勝情

梁園 謝惠連雪賦梁王不悅遊於兔園 心跡喜雙清 杜甫詩

哭季父健磐公

瀟湘秋色粵江烟拜別西堂夜雨天遠隔風沙家萬里

亂傳生死信三年蓮花幕底黃金盡桂樹山頭白骨懸  
慟哭寒雲虛設位東山小謝倍悽然

蓮花幕 南史庾杲之字景行爲王儉長史蕭緬與儉書曰盛府元僚實難其選庾景行泛綠水依芙蓉何其麗也時稱儉府爲蓮花幕云韓偓詩蓮花幕下風流客

送三妹于歸如臯

好扶花影上雕輪珍重高堂最愛身一日尊前分手足

十年門內失詩人同騎竹馬憐卿小畧贈荆釵笑我貧

惆悵官羈難遠送大雷書寄莫嫌煩

竹馬 後漢書郭伋爲并州牧童兒各騎竹馬迎之 荆釵 列女傳梁鴻妻孟光荆釵布裙

大雷書 鮑照有登大雷岸與妹書按隋地理志同安郡望江縣陳置大雷郡開皇十八年改焉

哭蔣靜存編修

文場誰復拔蝥弧楚些空招宋大夫九陌花開同立馬

五更春好忽啼烏琴書零落空堂冷兒女參差小鳳孤

分手河梁才幾日音塵渺渺隔黃墟

蝥弧 旗名左傳穎考叔取鄭伯楚些 楚些 夢溪筆談楚尾句皆曰些今夔峽湖湘凡禁咒句尾皆稱些乃楚人舊俗卽梵語薩嚩訶也三字合言之卽些字

九陌花 姚合詩朝尋九陌花 河梁 李陵詩招盍寄相思字

黃墟 二字本淮南子但詩意是用黃公酒

暮何之 酒墟事晉書王戎傳嘗經黃公酒

於此竹林之游亦與其末自嵇阮云亡吾便爲時

之所羈繼今日視之雖近邈若山

春蘭秋菊自英華走馬千年白日斜死解元言王輔嗣

生能經世賈長沙塵封玉署如椽筆霜冷官家賜葛紗

和上消夏詩賜葛二疋多少詞臣盡回首一時愁對上林花

王輔嗣字王弼如椽筆世說王珣夢人以大筆如椽與之人謂曰君當有大手筆

明知路十原難老爭奈山松悵失羣一榜少年今剩我

九原才子又添君荀郎阿鶯春誰嫁稚子南州路隔雲

遙寄清商三調曲聲高要使彼蒼聞

路十續世說路巖自監察入翰林崔鉉曰路十如今便入翰林如何到老不出長安城十年至

宰相咸通初同平章事山松袁山松也見晉書及裴啓語林阿鶯

時年三十六兼中書令鴛鴦當作鴛魏志朱建平傳初荀攸鍾繇相與親善攸先亡子幼繇經紀其門戶欲嫁其妾與人書曰

吾與公達會共使朱建平相建平日荀君雖少然當以後事付鍾君吾時啁之日惟當嫁卿阿鶯耳

今欲嫁阿鶯稚子稚當作孺後漢書徐穉字孺子郭林宗有母憂穉往弔之置芻使得善處

一束於廬前而去衆怪不知其故林宗曰此必南州高士徐孺子也

卽景

牙籤雜與簿書排欲索新詩每誤開搖蕩風簾花萬點

一庭梅雨帶秋來

李昌谷有馬詩二十一首余倣之作劍詩

不試千秋寶高懸萬物驚羞隨健兒去斬刺立功名

太乙下龍堂閭門匹練光六州爭聚鐵難鑄雪肝腸

太乙乙通作一吳越春秋歐冶子作劍太一下觀刀劍銘鍾會克蜀於成都土中得一刀文曰

太一韓愈贈劍客聯句龍堂楚詞魚鱗屋兮龍堂閭門匹

一裝以寶列仙篆其文練論衡或言孔子與顏淵登太山望吳閭門謂顏淵曰爾何見曰有如匹練之狀孔子撫其目而

正之日六州句通鑑初田承嗣募六州驍勇之士白馬也五千人爲牙軍歲久益驕橫羅紹



威心惡之自不能制以情告朱全忠全忠以大軍合擊牙軍合營殪之凡八千家紹威雖去其逼而魏兵自此衰弱紹威悔之日合四十三縣鐵不能為此錯也方岳詩鑄錯空糜六州鐵補鞋不用兩錢

斷柄蝕胡沙長梢鋸鐵父陰晴頭欲現新舊血交花

白走一條烟三更風滿天生王頭不貴何必煉神仙

生王頭

戰國策顏觸說齊王王忿然作色曰王者貴乎士貴乎對曰士貴耳王者不貴王曰有說乎對曰有昔者秦攻齊令有敢去柳下季壘五十步而樵採者死不赦令曰有能得齊王頭者封萬戶侯賜金千鎰由是觀之生王之頭曾不若死士之壘也

爾欲吳王我魚盤殺氣多誰知劉節度飛電繞身過

爾欲吳王我

左傳武叔使邠馬正侯犯殺公若弗能其圍人曰吾以劍過朝公若必曰誰之劍也吾稱子以告必觀之吾偽固而授之未則可殺也使如之公若曰爾欲吳王我乎遂殺公

若魚盤句

左傳吳公子光使鱗設諸刺其君僚劉鱗設諸竄劍於魚中以進抽劍刺王

節度

劍俠傳魏帥與陳許節度使劉昌裔不協使歸於劉復使使精精兒至隱娘殺之及妙手空空兒繼至隱娘使以于闐玉周其頸擁以袞劉如言至三更瞑目未熟果聞項上鏗然聲甚厲隱娘出賀日僕射無患矣視其玉果有七首劃然處痕逾四分事詳

本傳

棄擲莓苔裏光能射斗牛當作犁耙用神鋒讓曲鉤

徒報嚴仲仇不濟荆卿事笑指雷公爐純鉤識羞未

嚴仲仇

史記刺客聶政列傳濮陽嚴仲子事韓哀侯與韓相俠累有卻嚴仲子恐誅亡去求

人可以直接報俠累者至齊得聶政政乃獨行杖劍至韓韓相俠累方坐府上持兵戟而衛侍者甚眾聶

直入上階刺殺俠累左右大亂聶政大呼所擊荆殺者數十人因自皮面抉眼自屠出腸遂以死荆

卿即荆軻也

雷公二句

吳越春秋越王允常聘歐冶子作名劍五一日純鉤

王取以示薛燭燭曰臣聞造此劍雨師  
酒道雷公鼓橐蛟龍捧爐天帝裝炭

似雪消塵念如松耐歲寒摩挲日三五當作美人看

耳熱悲歌處平生最憶君橫磨十萬口交付與朱雲

橫磨十萬

五代史景延廣謂契丹使者曰先皇帝  
北朝所立今天子中國自冊可以為孫

而不可以為臣且晉有橫磨  
大劍十萬口翁要戰則來

朱雲

漢書朱雲請上  
方斬馬劍斬佞

臣一人頭  
謂張禹也

永斷不平事甘心死匣中世間諸將老若箇識雌雄

小隊逐黃麀琅琊鐵襠君王懷老物臣是舊干將

小隊逐黃麀

南史曹景宗好畋獵常與少年數十  
人澤中逐麀鹿每眾騎赴鹿鹿馬相

亂景宗於  
眾中射之

鐵襠

樂府企喻歌前行看  
後行齊著鐵襠襠

干將

劍名  
詳見

首  
下

爪髮藝淋漓猿公雜嘯啼但求名器就誰解惜夫妻

爪髮

呂氏春秋干將作劍不成其妻莫邪斷髮剪  
爪投於爐中遂成劍陽曰干將陰曰莫邪

猿公

吳越春秋越王使聘處女問以劍戟之術道  
逢一翁自稱袁公問於處女曰聞子善劍願

一見之女曰妾不敢有所隱惟公試之於是袁公  
即杖篠筴竹竹枝上頡橋未墮地女即捷未袁公  
則飛上樹變為白猿事文類聚引此作袁公即挽  
林內之竹似枯槁未折墮女接取其末按此書未  
字當作末  
捷通作接

玉勒騎飛馬金刀挂在身坐來無一語知是報仇人

海角飛殘月空堂作亂波南山北山處被髮有人磨

南山北山

列仙傳干將莫邪為晉君作劍三年而  
成劍有雌雄天下名器也乃以雌獻君

雷其雄者謂其妻曰吾藏劍在南山之陰北山之  
陽松生石上劍在其中矣君若覺而殺我爾生子  
當告  
之

事急方求子洪爐不煉銅夫人小七首誤認作青龍

夫人七首

史記燕丹使荆軻刺秦王豫求天下之利七首得趙人徐夫人七首取之百金使工以藥淬之以試人血濡縷人無不立死者

半夜孤燈坐空梁一頭墮笑問姜伯約膽可如升大

姜伯約

世說姜維字伯約死時見剖膽大如斗今作如升乃用南史李瞻事時侯景反瞻起兵為賊所執景先出之市中斷其手足破出肝腸瞻正色整容言笑自若見其膽者乃如升之大焉

聖鐵含灰古焦銅帶血新鑄時頻禱祝切莫賜忠臣

聖鐵

誠齋雜記真臘王身嵌聖鐵縱使利刃斫之不能為害癸辛雜識有所謂聖鐵者凡人佩之刀兵皆不能入嘗以羊試之良驗

賜忠臣句

左傳吳王賜伍子胥屬鏤以死按屬鏤劍名

氣走蛟龍窟心爭日月光文章奇絕處人道太鋒鏃

文章奇絕二句

唐書盧藏用嘗謂李邕如干將鏃鏃難與爭鋒但虞傷缺耳卒如其言

材大難為售高鳴笑爾勞中原千萬戶个个用鉛刀

傾城求一見想見古時尊縱使無情鐵能教不報恩

虜平歸塞早雪大上天遲棄擲風塵裏猶能斬亂絲

斬亂絲

後漢書方儲為郎中章帝嘉其才以繁亂絲付儲使理儲拔佩刀三斷之對曰反經在勢臨事宜然又五代史高洋歡之子也歡嘗欲觀諸子意識使各治亂絲洋獨抽刀斬之曰亂者必斬

開匣秋風起藏身片語無方知至神物舒卷任風胡

風胡

吳越春秋及越絕書皆有風胡子論劍事

放歌三首

萬物化灰泥灰泥畢竟有灰泥日積地日高青天摩掌  
應在手歲華去我如飛烟我思其誤在從前盤古力爭  
不肯老至今美色人人好

十二萬年天壽短羲和持鞭不肯緩開闢以前安可知  
我恨不得親見之願持竹一竿下搜黃湏後上搜青雲  
端地盡天窮搜不止此竹削成天外史

黃湏

見卷十二為王壽峯題  
天問圖做玉川體詩注

子有衣裳須曳婁子有車馬須馳驅英雄百事百不理  
朝朝暮暮歌山樞君不見軒轅黃帝上天時當時萬物  
爭相隨黃帝哀號不問口畱下人間一杯酒

曳婁

婁凌如切音樓曳也  
本詩唐風山有樞篇

黃帝上天

本史記  
封禪書

沫陽移知江甯別吏民於黃河岸上

五步一杯酒十步一折柳使君乘車行吏民攀車走父  
老泣且言使君無他奇虎不渡河蝗亦飛只有小大獄  
十日無畱遺胥吏泣且言使君無他好不察淵魚矜苛  
廉不吝抱牘施姦巧每日放衙歸無事關門早我聞此  
言感知已兩年自負如斯耳斜陽策馬一回頭哭聲漸  
遠河聲流

淵魚

漢書察見淵  
中魚者不祥

交印

前印欣已交後印喜未至分明宰官身而無宰官事人  
生此最樂一刻千金貴賓朋間何濶張飲置歌吹我亦

愛游閒往來屏車騎朝尋鍾阜烟暮拾橫塘翠除道哂  
要章微行訪穉季青衫有時濕赤棒無人避慙馬暫脫  
銜籠禽偶展翅汲汲常顧景躬躬無所畏小大莫從公  
老子妨人戲

除道哂要草

要又作腰 杜甫句

穉季

漢書孫寶傳寶為京兆尹故吏侯文剛直

不苟合寶以立秋日署文東部督郵入見敕曰今日鷹隼始擊當順天氣取姦惡以成嚴霜之誅掾部渠有其人乎文曰霸陵杜穉季穉季者大俠也又急就篇有畢稚季與此句義無涉通鑑魏高澄以崔暹為御史中丞他日澄出遇暹前驅為赤棒所擊澄回馬避之 景同 音弓謹 敬貌

上元許合同官甚歡薦刺亳州而部選建甯司馬  
例不能畱情不能已故有是詩

十里秦淮楊柳灘驪歌新唱小長干三遷好事聞方喜  
五月同寅別轉難江上秋聲催鼓角車邊旗物漸班蘭  
遙知一片西湖月又被詩人馬上看

小長干

吳都賦長干注建業南五里有山岡其間平地吏民雜居東長干中有大長干小長

干皆相連大長干在越城東小長干在越城西班地有長短故號有大小嚴維詩別墅小長干我南史張敬兒傳既得開府又望班劍語人曰我車邊猶少班蘭物按班蘭劍也又後漢書西南夷傳衣裳班蘭與此無涉

初聞海外借班超更說參軍薦鮑昭分野未容星兩照  
書銜應縮綬雙條一州斗大朝聽鼓五嶺盤空暮射鵰  
此去鰲江定回首子規聲裏別南朝

一州斗大

本南史宗慤語詳卷五秋夜與故人同宿作詩註

官稱司馬便多情落日青山載酒行嶺樹秋高雙旆遠  
妻孥累少一帆輕風琴野鶴君行李錦字花箋我姓名  
安得將心寄楊柳依依送到越王城

書戒石

宋高宗戒石四語太簡衍爲六章

戒爾縣尹爾亦生民服官而仕於民獨親朝食其地暮  
稅其人曰由我生死由我富貧垂髻戴白爛其盈門靜  
言思之如之何勿仁

唐虞既遠象刑不作周官既亡府胥無祿承符手力眈  
眈虎目官能用吏吏如手足吏能用官官爲荼毒制之  
有道豈曰笞扑

其道維何太阿在己衡定物呈水平浪止不察淵魚但

除蘆尾初或毀之繼而自喜彼君子兮惠我隣里吾儕  
小人殺人有禮

莫高爾門門閉則昏莫多爾符符出吏呼莫厭訟堂吾  
將以爲房莫畏絲枲非德莫如勤不自以爲聰終無大  
聾常自覺其廉滿面沾沾

立政勿異求名勿專虎不渡河古稱偶然兩稅無差撫  
字賴焉五聽得宜教化在焉八頌扇和六筦崇厚仁在  
義先理居情後

虎不渡河二句

不當作北後漢劉昆傳詔問昆曰前在江陵反風滅火後守宏農虎

北渡河行何德政而致是事昆對曰偶然耳八頌

左右皆笑其質帝歎曰此乃長者之言也八頌

扇和謝莊宋孝武宣貴妃誅八頌扇和注周禮占人掌占龜以八筮占八頌以視吉凶按誅曰

扇和言其將死也茲云扇和殆反用之耳

何以寫心單父鳴琴無以為家河陽種花莞爾而笑前有桑麻民既信我無所不可我既愛民民皆子孫淮陽召即官爵大矣桐鄉祀耶死遺愛矣

淮陽召二句 漢書汲黯傳事 桐鄉 漢書朱邑事

于為子 元德秀歌於東都其詞不傳余為補之

五鳳樓前日重輪今惟天之近使我民與天言今解相

彼嘉禾陳陳於倉宛彼柔絲龍袞纁裳農夫之禾蠶女之筐何圖今日得見君王二東都沃地石田則有東家

豐年西隣或不君所到今臣所告今未可以為槩今臣

親自炊薪而誰煬其竈今三解供張奢儉可以觀臣風尚

貞淫可以觀民勿徵壤奠而爰閭相見勿飲瑤池而卷

阿賦詩九乾之和萬邦之歌四解宏農得寶石綠空青大

笠侈袖高唱娉婷臣乃病夫以心為聲未移二舖願慶

三登敬命樂工聯袂而賡上達四聰天聽和平五解

日重輪 古今注漢明帝為太子樂人作歌詩四章

日又管子云盛魄重輪六合俱照非煬竈 煬音漾對火也

日月能乎則日月皆可言重輪矣張 張音帳前漢王尊

戰國策若竈則不然前之供張 傳供張如法而辦

人煬則後之人無從見也壤奠 皆再拜爰閭 汲冢

穰奠 書經一二臣衛敢執壤奠皆再拜 爰閭 周書

外臺之四隅每隅張赤帟諸 飲瑤池 穆天子傳天

侯欲息者息之命之日爰閭 阿 子觴西王母

於瑤池 卷阿 詩大雅有卷者阿篇傳云召康公從

之上 作此詩 九乾 崔駰達旨俯鉤深於 宏農得寶 唐書

以為戒 重淵仰探遠於九乾 食貨

志先時民間唱俚歌曰得休紇那邪其後得寶符於桃林於是陝縣尉崔成甫更得休歌為得寶宏農野太守韋堅命舟人為吳楚服大笠廣袖芒屨以歌之成甫又廣之為歌十闕蘇軾詩三郎官爵如泥土爭唱二鬴周禮廩人凡萬民之食食者人宏農得寶歌二鬴四鬴上也人三鬴中也人二鬴下也注曰此皆謂一月食米也六斗四升曰鬴疏日人四鬴上也上謂大豐年也人三鬴中也中謂中豐年人二鬴下三登漢書食貨志三考黜陟餘也下謂少儉年三登三年食進業日登再登日平三登樂工聯袂唐書元德秀為魯山令明皇在日泰平樂工聯袂東都鬴五鳳樓下命三百里縣令刺史各以聲樂集德秀惟樂工數十人聯袂歌于薦于于薦于者德秀所為歌也帝聞而異之歎日賢人之言哉

府中趨

巍巍天門開朝賀有常期沉沉長官府晨趨無已時東帶侯雞唱腰笏事奔馳衆人已宛在後至顏忸怩坐守

鼓角鳴音響止復吹名紙如梵夾作字蒼蠅微起居稱萬福願得尊者知尊者方欠申起問夜何其司閤有酒氣傳入猶狐疑息氣坐寒解閉口忍徂徂音旨忽然大旱得雲霓材官麾以肱鳥散而雲歸出門看白日頽陽已熹微明日戒更早晚日將毋遲國事耶民瘼耶將軍者約耶

東帶侯雞陶潛詩束帶侯雞鳴梵夾貝葉經也通鑑唐懿宗於禁中設講席自唱經

手錄 梵夾

出東門

出東門有客從西來客不西來東門之車奔如雷待來而不來客怒作色相疑猜一芻三十車禾三十車隸人



湟厠械窳與俱罔或不供汝則罪有餘二解得犇求壺捉

雞索鳧匪壺鳧之為取取汝所無三解門前水渾門內水

清清以為名其貌犴犴大官昂首坐小吏圈豚行四解天

陰雨淒淒長跪大道左學鴨自呼名兩頰紅似火指向

蔡興宗此中正是我五解欲臥強之食欲食強之飢非所

喜而笑非所怒而答腰膝不自持而况法合為六解吞爾

不搖牙咀爾不擊齒乃公喉有聲萬口一齊止愛之則

生逆之死長跪啓乃公識一丁字何如挽兩石弓七解

隸人湟厠儀禮既夕甸人築坎隸人湟厠塞厠注湟塞也為人復往褻之又亦鬼神不用械窳晉威豆褻器也賈逵解周圈豚行圈豚並玉藻圈豚行不舉足注豚性散罔之則聚而回旋於其中鴨呼名南部新書陸龜蒙養鬪鴨

一欄有驛使過挾彈斃其尤者龜蒙曰此鴨能作人語欲待附蘇州上進使者奈何斃之使者恐以橐中金酬之徐問其能人語之故答曰能自呼其名使者憤然且笑拂袖上馬復召之還其金曰吾戲一丁字唐書張宏靖傳汝輩挽兩石弓不如識耳一丁字按續世說一丁作一个因篆文个與丁相似傳寫譌作丁

俗吏篇

勸食升米把酒止古來作吏俗而已矧我作吏赤緊全

請言其俗一鞮然三年沒階趨下風九轉丹成拜跪工

金雞初鳴出門去夕陽來下牛羊同有時供具應四方

縫人染人供酒漿有時迎謁跪道左掀公于淖猶袞裳

祝融不許子同夢新官半夜鬱攸光捕蝗那管汝喝死

劉虞露冕橫秋陽衣服學為成慶畫參軍來從屋漏旁



周官三百六十職佛經萬劫千災殃頃刻教汝一身當  
 大府文深日怒嗔小吏文巧舞殺人鼓吹一部肉雷響  
 鐵鎖千行環珮喧高坐腰輿織路途居家日日別妻孥  
 豬肝久食客無聊重疊書來請絕交有時切切私自語  
 明日出門無所去里保催公速下鄉死人橫陳三兩處

**赤緊** 注見卷二送劉斯和翰林改官山右詩 **掀公于淖** 本左傳成公十年有六年

**鬱攸** 火氣也本左傳哀公三年 **喝死** 喝音謁傷暑也漢武帝紀夏大旱民多喝死 **劉虞** 後漢書劉虞以儉素為操冠敵不改乃就補其

**綺飾時人** **成慶畫** 漢書廣川惠王傳惠王孫去即繆王齊太子也其殿門有成慶畫短衣大袴長劍去好之作七尺五寸劍被服皆效焉注晉灼曰成慶荆軻也衛人謂之慶卿燕人謂之荆卿師古曰成慶古之勇士也事見淮南子非荆卿也 **鼓吹一部** 國史補李匡遠

性苛急一日不斷刑則慘然不樂樂 **肉雷** 清異錄聞鞭撻之聲曰此一部肉雷鼓吹也 來紹宰

**參軍句** 世說祖廣行恆縮頭

**腰輿** 南史張寶積乘腰輿詣蕭穎胃決疑要錄腰輿以手挽之別 **豬肝** 世說補閔仲叔家貧不能買肉日買於肩輿豬肝一片屠者或不肯與安邑令問之勅吏常給焉仲叔怪問其故其子道 **絕交** 嵇康狀歎曰仲叔豈以口腹累安邑耶遂去 與山

**巨源絕** 交書

火災行

七日融風吹不止鳥聲嘻嘻呼滿市縣官此身如沙禽  
 中夜時時驚欲起出門四顧心慘裂天地爛如黃金色  
 文武一色皆戎粧奔前滅火如滅賊金陵太守氣尤雄  
 獨領一隊當先鋒出沒黑烟人不見但聞促水聲朦朧

水龍百道橫空射倒卷黃河向天瀉蚩尤妖霧青山崩  
黑連烝土白石化須臾半空飛霹靂楮瓦頽垣如擲戟  
不聞知命避巖墻但見橫屍委道旁春風雨滌新焦土  
夜月霜淒古戰場我聞為政無近名水懦火烈調其平  
行火所燠表火道書其焚室寬其征此外姝姝皆小惠  
禁民夜作徒紛更從來心如焚不必額盡爛果然曲突  
有周防何至衣冠坐塗炭白日青天莫放懷朽株枯木  
能為難

融風

左傳梓慎曰融風火之始也注東北曰融風融風木也木火母故曰火之始鳥聲

嘻嘻

左傳襄三十年或叫於宋太廟曰嘻嘻出當作嘻嘻鳥鳴于亳社如曰嘻嘻甲午宋大災通雅曰

嘻嘻

當作嘻嘻行火所燠 燠音慈炙也左傳昭十八年司馬司寇列居火道行火所燠

書焚室句

左傳昭十八年書焚室而寬其征與之材

蚩尤妖霧

志林蚩尤作大霧三日軍

水懦火烈

左傳子產語

禁民夜作

後漢書廉范字叔度

遷蜀郡太守舊制禁民夜作以防火災而更相隱蔽燒者日屬范乃毀削先令但嚴使儲水而已百姓為便乃歌之曰廉叔度來何暮曲突

傳曲突徒薪無恩澤焦頭爛額為上客

捕蝗歌

蠲氏燒牡鞠本屬衰周文螟螣付炎火諸氓自祈神豈  
有為后稷一手一足勤劉蘭不捕蝗其歲乃大穰劉澄  
剪蟲穢民乃呼災殃如何姚元之作俑為官常當時猶  
可今日殺我蟲子如烟符急如火監司節鎮浩呼洵文  
武攘臂趨如風頃刻赤地三十里小民畏官勝畏蟲東

之丁男調向西丁男不足佐以妻古從三軍六十免今  
搏羽孽全家啼舊麥未斂穡新秧栽未齊舍已而芸人  
墨翟猶嗟咨民若此官何如但見酒漿厨傳紛追呼東  
阿大夫通苞苴不然何以全名譽捕盜不善波及隣捕  
蟲不善殃全村為兒理髮加以髡心豈不愛終非恩捕  
蝗問蝗果滅否蝗言不雨捕更有君不見蕭曹孽孽得  
民和柳州大書郭橐駝督郵來往蝗更多香山早有捕  
蝗歌

蝸氏句 本周禮 秋官 鞠 當作鞠與菊同但月令 鞠有黃華亦用此字 付炎火

詩小雅大田多稼篇 有秉畀炎火之句 劉蘭句 劉蘭韻府引北史儒 林傳按北史蘭並無

不捕 蝗事 劉澄 注見卷三 姚元之 即姚崇也開元初山 東大蝗崇請分遣使

捕蝗埋之是歲所司奏捕蝗蟲凡 百餘萬石時無飢饉天下賴焉 東阿大夫 通鑑 齊威

王名阿大夫語之曰自子守阿譽言日至吾使人 視阿田野不闢人民貧餒是子厚幣事吾左右以

求譽也阿即 兖州東阿縣 郭橐駝 柳宗元有 郭橐駝傳 督郵句 用後漢書 戴封事

南漕歎 與沐漕不同故 加南字別之

握粟鋤粟十月征大車小車軋軋鳴雲連萬畝兩遞運  
李斯如鼠倉中行倉氏庾氏聲嘈嘈搜粟都尉意氣豪  
利之所在天亦忌大官防縣如防妖牽驢磨麥矐其目  
憎鳥竊脂繫其足黃紙朝來剖升斗朱符夕下封官斛  
待暴日擊重門柝不管糞黃與魯卓水流汾澮其道壅  
萬樊雜出仍無窮或需精鑿強揚播兩三鬴作千回春  
或借一闕分先後富者收早貧磨礮或書官符訛多寡

塗鴉難辨斗檢封廉人別奏來重重伍符尺籍生蠖蠓  
 共飲倉中一勺水頃刻白粲成青銅可憐鄉民半樸魯  
 小人容易為沙蟲明徵法錢人所見暗教折帛何所終  
 物不揣本齊其末事方在北求諸東我欲大聲呼大吏  
 胡不早辨賢與忠古人信人信不信法將欲治彼先治躬  
 捐除文網道以德如水沃雪草偃風持其大體去已甚  
 官和民樂聲雍雍吁嗟乎君不見人肝代米古所記察  
 察為明安得劉宏十女婿

**握粟**

詩小雅小宛篇握粟出卜自何能穀  
 今按詩意握似當作屋詳下鋤粟注  
 旅師掌聚野之鋤粟屋粟注鋤粟民相助作一井  
 中所出九夫之稅粟也屋粟有田不耕所罰三夫  
 之稅粟又載師屋粟注夫三為  
 屋故罰三夫之稅粟曰屋粟  
**李斯如鼠句**  
史記李斯



少時為郡小吏見吏舍廁中鼠食不潔近人犬數  
 驚恐之入倉觀倉中食積粟不見人犬之憂乃歎  
 曰人之賢不肖譬如**搜粟都尉**  
漢書食貨志以趙  
 鼠矣在所自處耳  
 鹽鐵論以搜粟都尉為御史大夫又  
 通典司農卿有驥粟尉注驥搜同  
 記荆軻傳秦始皇惜高漸離  
 善擊筑重赦之乃矐其目  
**待暴**  
易重門擊柝以  
 待暴客蓋取諸

**豫龔黃魯卓**

龔遂黃霸  
 魯恭卓茂  
**汾澮**  
左傳韓獻子曰不如  
 新田土厚水潔居之

不疾有汾澮

**精鑿**  
杜甫詩精  
 鑿成白粲  
**塗鴉**  
管訥詩我嗟塗  
 鴉手如棘又錘

炳詩病目塗

**伍符尺籍**  
漢書馮唐傳士卒盡家人  
 子起田中從軍安知尺籍

伍符注伍符軍士五

**廉人**  
廉音歉通制大使副使  
 皆有廉人河西節度崔

五相保之符信也

**沙蟲**  
抱樸子  
 周穆王

希逸龔破吐蕃於青海會希逸廉人

**沙蟲**  
抱樸子  
 周穆王

南征久而不歸一軍皆化

**人肝代米**  
南史丹徒令  
 沈疇之性疎

直在縣自以清廉不事左右浸潤曰至遂鎖繫尙

**梅花詩屋**  
方歎曰一見天子足矣上名問知其無罪重除丹

徒令吏人候之謂曰我今重來當以人肝代米不然清名不立劉宏十女婿晉書劉宏傳宏下教曰若必姻親然後可用則荆州十郡安得十女婿然後為政哉

優孟謠

我優也言無郵貪吏而可為兮孰知其由廉吏而不可為兮子母人尤子不見損下益上土可成邱勿畜勿流水難為溝物猶如此人甯獨不重為告曰子惠恤我我其收乎誰之不如而勿求乎嗚呼叔孫無待後人子其休乎

貪吏二句

史記優孟怵懾歌貪吏而不可為而可為廉吏而可為而不可為貪吏而不可為者當時有汗名而可為者子孫以家成廉吏而可為者當時有清名而不可為者子孫困窮被褐而負薪貪吏常苦富廉吏常苦貧獨不見楚相孫叔敖廉潔不受錢

甲子過金陵汪生濬川受業學詩今年生來索題

其扇

朔風暮黑吏歸縣殘燈叩閣門生見見時袍袖盡詩箋  
長吟不覺三千遍自言踏雪願來遊擘錦燒蘭足解愁  
往歲江淹遊白下今朝羊曼尹揚州揚州歌舞舊繁華  
月榭風臺處處花團扇願公書數字管教新譜續琵琶  
感君語為君歌歌詞淒惋通銀河三月風花春管領一  
把玉骨官消磨棄置當年何復道秦淮竹笛聲聲好美  
人清夢冷如水詞客零星稀似草枯樹江南庾信哀桃  
花潭水汪倫老取我瑤琴鼓再行酒酣月落江天曉

羊曼

晉書曼拜丹陽尹客來早者並得佳味

枯樹江南

庾信有枯樹賦又有哀江

南桃花司李白詩桃花潭水深千尺不及汪倫送我情

侯夷門卸江甯貳尹事行且就去不能無詩

石城把手證前因一障乘邊又怨春才子官卑原寫意  
酒徒緣少更傷神文章各領江山氣鸞鳳同為飄泊身  
此去旗亭休緩緩天畱清雪等詩人

一障漢書張湯傳匈奴求和親博士狄山曰和親便上問湯湯曰此愚儒無知狄山曰臣固愚忠若湯乃詐忠上作色曰吾使生居一郡能無使虜入盜乎山曰不能曰居一縣曰不能復曰居一障間山自度辯窮曰能乃遣山等篇海候乘障至月餘匈奴斬山頭去待也

### 勸農歌

白門城外好秧田梅雨初晴六月天識字農夫勸農去  
竹枝歌當水衡錢

水衡錢漢書宣帝紀以水衡錢為平陵徙民起第宅注水衡天子私藏也

勸農莫放鋤柄空勸農莫嗤積穀翁東家稻熟早芟草

西家豆稀懶打蟲

積穀翁戴復古詩自甘寂寞坐詩窮何取多牛積穀翁

男女行行莫亂行邨南邨北幾莊荒今年添入新絲價  
男樹瓜華女種桑

樹瓜華禮記郊特牲

布穀聲聲鳥語譁一池鼓吹有鳴蛙同來騶騎閒無事  
齊放紅旗拾豆花

鼓吹南齊書孔稚珪門庭之內草萊不剪中有蛙鳴曰我以此當兩部鼓吹

神雀休銜稻一枝深秋九月有佳期黃雲滿地倉箱響

是我來開笑口時

開笑口二句

暗用張全義事詳卷五冬月送尹官保入覲詩桑麻句注

阡陌高低曲折通車聲回轉落花風倒持竹笛不歸去  
看殺斜陽小牧童

峯凝暮靄水拖藍完得官租夢亦甘世世青山綠雲裏  
好風好雨住江南

哭李方伯

公諱學裕事見文集墓志

江城吹滿紙錢烟父老銜哀罷管絃誰料五旬官二品  
別來三日事千年平生羽扇蛟龍匣故國靈旗雨雪天  
家在太行山色裏幾時醉酒墓門前

不禁雙眼淚滂沱回首龍門喚奈何鮑叔已亡知我少

予公雖去活人多殘燈媿媿生前夢宦海悠悠世上波  
彈指滄桑三萬日衣冠琴鶴盡山河

答曾南邨論詩

提筆先須問性情風裁休劃宋元明八音分別宮商韻  
一代都存雅頌聲秋月氣清干處好化工才大百花生  
憐子官退詩偏進雖不能軍好論兵

館娃

館娃遺跡訪春行一霎飛花兩眼驚豈有金仙能抗手  
果然我輩竟虛生都梁香近名誰識巫峽雲過影尙清  
獨宿蕭郎作羈客晚烟疎雨闔閭城

都梁香

香譜都梁縣有山山上有水其中生蘭草因名都梁香形如藿香



願持

願持一語告同官莫笑蒲鞭道太寬辦事人多解事少  
愛民心易治民難

蒲鞭 後漢書劉寬為南陽太守典歷三郡溫仁多恕吏民有過但用蒲鞭罰之示辱而已異苑崔景貢守昌平嘗懸一鞭而不用

春日初長散衙甚早喜而作詩

槐花春暖滿衙青不著烏靴上訟庭牒少卷無三寸厚  
心虛判許萬人聽紛紛雀角風將息漸漸蒲鞭響亦停  
笑問功曹諸事畢手籠詩草下西廳

功曹 史記蕭相國世家為沛主吏掾索隱主吏功曹也

小倉山房詩註目錄

卷五

春柳四首

秦淮小集座有歌郎上元

許今日懾之郎亟引去余迂許憐郎而調以詩二  
首 秦淮襍詩十二首

宿陶紅樓隱寺題壁

逾月再至見江孝廉和章

喜疊前韻

冬月又至則和章盈壁矣

再疊前韻

雨過

輓施曼郎 有序

冬日往揚州阻風永濟寺

贈默默上人

揚州回泊燕子磯登亭望

雪二首

漂母祠